

BATAAXAL GU MAG GI ĒMB SAÑ-SAÑI DOOMI AADAMA

[Preamble]

Ñu jàpp te nangu ne sagu doomi aadama ak sañ-sañam yépp-dañu yam te kenn mēnukóo jalgati, te lu lépp nekk na cēs laay ci taxufeex ci mbirum àtte ak jàmm ci biir ádduna.

Ñu jàpp ne ñakk xam ak soofantal sañ-sañi doomi aadama indi na aymusiba yu tar tax képp kuy dund fippu. Temano egsi na ba mu nekk ci doomi aadama ñu mēn a wax, xalaat, ci seen coobare, bundxatal, nàkk dēddu leen.

Ñu jàpp ne am na solo lool ñu aar sañ-sañi doomu aadama ak ay matukaay ci wàllu yoon; ngir doomu aadama moomu kenn du ko sonal, muy fippu ci nootaange ak lu koy bunduxatal.

Ñu jàpp ne am na solo lool ñu góor-goorlu ba gēn a rataxal jokkalante gi diggante xheet yi.

Ñu jàpp ne ci bataaxal boobule mbootaayu xheet yi yeesalaat na ay pas-pasam jēme ko ci sañ-sani doomi aadama yu tolloo, ci sag, ci bir lépp lu aju ci dundin diggante góor ak jigéen, ci biir tawfeex gu yaa.

Ñu jàpp ne réew yi ci bokk jël nañu ay matukaay ngir dēgēral jokkalante gi ak mbootaayu xheet yi, ñu naw it bu baax sann-sañi doomi aadama ak tawfeex yu wóor ci biir ádduna yépp.

Ñu jàpp ne ànd taxawal sañ-sañ yeek tawfeex yi nekk na lu am solo lool ngir, darajaal matukaay yooyu.

Ndaje mu mag mi biral na ci bataaxal bii ne xheet yépp, réew yépp ak kurel yépp ñu jàpp li ci nekk, ci seen xel, te ñu góor-góorlu, ñu jaarale lii lépp ci njàng mi ak yar gi.

Ñu lawal sañ-sañ yeek taawfeex yi jël aymatukaay ci biirak bitim réew.

Ñu nangu te di doxal fēpp ci anam gu wér ci biir xheet yi sosoo ci réew i bokk ci mbootaay gi ak gox yi bootu ci ñoom.

1. Matukaay bu jëkk bi

Doomi aadama yépp danuy juddu, yam ci tawfeex ci sag ak sañ-sañ. Nekk na it ku xam dēgg te ànd na ak xelam, te war naa jēflante ak nawleen, te teg ko ci wàllu mbokk.

2. Naareelu matukaay

Ku ne mēn naa wax ne am na ay sañ-sañ ak ay tawfeex yu sosoo ci bataaxal bii te amul xeej ak seen, rawatina ci wàllu xheet, melo, awra, làkk, diiné, peete ci wàllu politig, xalaat, réew mbaa askan woo mēn ti sosoo, ci it wàllu juddu alal ak lu mu mēn ti doon.

Rax sa dolli amul xeej ak seen ci politig, yoon, mbaa doxalin wu aju ci bitim réew mbaa suuf soo xamne nit ki fa la cosaanoo; réew moomu mbaa suuf soosu moom na boppam walla deet, mbaa ñu yamale yengu-yēngoom.

3. Ñatteelu matukaay

Nit kune war naa dund ci tawfeex ak kaaraange.

4. Ñeenteelu matukaay

Waruño def kenn jaam mbaa mbindaan. Njaam ak njaayum jaam nanguwunu ko ci anam gu mu mēn ti doon.

5. Juróomeelu matukaay

Waruño mbugal, tutal, mbaa teg kenn lu metti lool lu yelloo wul ak doomu aadama.

6. Juróom benneeli matukaay

Nit ku ne am na sañ-sañ ñu war kaa nangul darajaam ci wàllu yoon.

7. Juróom benneeli matukaay

Népp a yam ci kanamu yoon. Te it amul xeej ak seen, ku ne yoon woowu war na laa aar. Népp war nañu leen aar ci luy jalgati liñu tēnk ci bataaxal bii ak bepp yēngu-gēngu buy indi par-parloo.

8. Juróom natteelu matukaay

Nit ku ne am na sañ-sañ dem ci berebi àtte kaay yi ci reewam saa yoo xamne sañ-sañam yooyu dēppook sarti réewam mba yoon jalgati nañu ko.

9. Juróom ñienteeli matukaay

Menuño jàpp, tēj, mbaa genne kenn réewam te tegunu ko ci yoon.

10. Fukkeeli matukaay

Ci lu wér, nit kune mën naa egg ci berebu atte kaay wax li ko naqari ci anam gu jub, te baña ànd ak par-parloo, ne dañu ko taxal.

11. Fukkeeli been matukaay ak benn

Bépp nit bu ñu taqal cimbir mu tar jappe nanu ko ku set ba loolu ñu ko taxal leer nãññ ginnaaw bi ñu ko attee. Te ñu taxawu ko ci lépp lu koy aar ci atte boobule.

Duñu tëj kenn ci ay jëfam mbaa lu mu fätte mbete loolu mu jëf ci jamono jooju nekkul mbir mu tar ci wàllu yoon, ci biir ak bitim réew. Foofu it yoon du ko teg lu dul limengóok li mu def ci jamono jooju.

12. Fukkeeli matukaay ak ñaar

Kenn warula xuus ci dundinu doomu aadama, bu njabootam, ci lu jëm ci kërám mbaa lu mengóok moom, di damm it jarajaam. Buñu jalgatee yii nit kune am na sañ-sañ ñu aar ko ci wàllu yoon.

13. Fukkeeli matukaay ak ñatt

Nit kune am na sañ-sañ wëndeelu ni mu ko neexe, tànn it dekkuwaayam ci biir réew bu mu mën ti doon.

Nit kune am na sañ-sañ génn réew mu mu mën ti doon. Fimu dëkk it bokk na ci-ak it dellusi ci réewam.

14. Fukkeeli matukaay ak ñent

Nit kune bu ñu ko mbugalee am na sañ-sañ làqu ji, mbaa ñaan ñu làq ko ci yeneeni réew.

Su fekkee ne nit ki dañu koy toppu ginnaaw bi mu defee jëyyi, mbaa yëngu-yëngóon méngóowul ak li mbootaayu xeet yi téral, sañ-sañ boobu.

15. Fukkeeli matukaay ak juróom

Nit ku ne am na sañ-sañ xeetoo cim réew.

Mënuñu ne nit ki xeetoowul cim réew te teguñu ko fenn, mbaa ñu xañ ko sañ-sañ su bëggee soppi xeetoom ak réewan.m

16. Fukkeeli matukaay ak juróom benn

Jigéen mbaa jóor saa yu matee amul xaaj ak seen, ak waaso bu mu mën ti bokk, réew, mba diiné am na sañ-sañ sëy ak it sos njaboot. Ñoo yam it sañ-sañ, balaa ñuy sëey, ci biir sëy ak it bu seen sëy tasee.

Sëy kenn menunuko fas, xanaa lu jiitu ku ne ci way-dencante yi joxe xalaatam.

Njaboot nekk na menneef gu am solo ci askan wi.

17. Fukkeeli matukaay ak juróom ñaar

Ngay dund yaw doww mbaa ak mbooloo am nga sañ-sañ am loo moomal sa bopp.

Menuñoo xañ kenn am aman.

18. Fukkeeli matukaay ak juróom ñatt

Nit kune am na sañ-sañ xalaat ak sa goom ci wàllu diine, soppi it diineem mba ngëmam, am na it tawfeex feeñal diineem, mbaa ngëmam, ak mbooloo, mbaa moom doww, fu àdduna daje mbaa deet, jarali ko ci njàngale mi, ci ay jëf, ci jaamu yi ak xarbaax.

19. Fukkeeli matukaay ak juróom ñent

Nit ku ne am na sañ-sañ wax mbaa bind lu ko soob. Ci waxam yooyule kenn menuko ce bundu xatal. Te it am na sañ-sañ di gëstu, di jot, di wasare ci anam gu yaa ay xabaaraki xalaat ak ay juntuukaay yu mi Men ti jefandikóo.

20. Ñaar fukkeeli matukaay

Nit kune am na sañ-sañ woote ab ndaje, mbaa sos mbootaay ci jàmm.

Mënuñoo bokk loo kenn ci mbootaay te àndu ci.

21. Ñaar fukkeeli matukaay ak benn

Nit ku ne am na sañ-sañ bokk ci ñiy doxal mbiri réewam. Mu teewal fa boppam, mbaa mu yabal ab ndaw mu teewal ko fa.

Nit ku ne am na sañ-sañ, amul xeej ak seen liggéey ci bépp béréb buy doxal mbiri réewam.

Pas-pasu askan mooy cëslaay buy dëgéral lépp luy doxal réew. Pas-pas gile war na feeñ ci palin yu yiw yu ñu wara amal léeg-léeg ci tannin gu yaa te am sutura,mbaa topp yoon wu wóor wu andak taw feex ci

wállu pal.

22. Ñaar fukkeeli matukaay ak ñaar

Nit ku ne meññeefu askan wi am na sañ-sañ ñu aar ko ci giru dundam. Ci dundam war na ci am xol bu sedd ci sañ-sañam yooyu, lu aju ci koom-koomam, ci dundinam ak ci lépp lu aju ci aadaam te di ko jox maanaa ak yookkute gu ànd ak tawfeex ci wállu darajaam, loolu lépp nag ku ne doomu réew mi indi dooleem ak di jokkalante ak bitim réew te mu méngook tērērin ak am-amu réew mu ne.

23. Ñaar fukk ak ñatteeli matukaay

Nit ku ne am na sañ-sañ liggéey, tànn it ci canam gu ko neex liggéeyamm te mu dëppóok ay sàart yu yam te baax ci wállu liggéey. Te it ñu aar ko ci ñàkkub liggéey.

Amul xeej ak seen ku néppam nanu sañ-sañ ñu fay leen, te loolu méngóok li mu aliggéey.

Keépp kuy liggéey am na sañ-sañ ñu jox ko pay gi mu yellool, baax te mēn koo dundal ak njabbotam te mu yellook sagu doomu aadama, mu mottaliku it ak yeneeni pexe su mēnee am ngir aar dundinam.

Nit ku ne am na sañ-sañ samp mbaa bokk ci ay kurel yu koy taxawu ci wállu liggéeyam.

24. Ñaar fukk ak ñenteeli matukaay

Nit ku ne am na sañ-sañ noppalu, feexal xolal ak it di yamale diirub liggéeyam ak it léeg-léeg muy pēr, bër gu ànd ak xalis.

25. Ñaar fukk ak juróomeeli matukaay

Nit ku ne am na sañ-sañ am dundingu yamaaay ngir dēgēral wér-gi-yaramam, raataageem ak bu njabootam, lrawatina ci wállu lekk col, dēkkuwaay, lépp lu aju ci wállu paj ak bépp yēngu-yēngu gu am farata ci wállu dundam. Am na it sañ-sañ ñu aar ko bu liggeeyatul bu feebarée, bu amee laago, ñàkk saxnaam mbaa sērinam, mbaa mágget, mbaa mu ñàkk li muy suturloo ci anam yu dul ci cootareem.

War nañu beral loxo, dimbali képp ku tollu ci am doom ak it gune yi. Bépp xale bu juddu ci sēy, mbaa bu judduwul ci sēy ñoo bokk benn anam buñ leen di aare.

26. Ñaar fukk ak juróom benneeli matukaay

Nit ku ne am na sañ-sañ ñu jàngal ko, njàng mi waruñu ci fayaku lu mu bon bon ci njàng mu suufe mi te am solo. Njàng mu suufe mi lu war la. Njàng mu xarala mi, te it aju ci wállu liggéey war nanu koo wasaare. Amul xeej ak seen njàng mu kawé mi ubbil nañu ko képp ku ko yelloo.

Njàng war naa indi naataange gu yaa ci ddoomi aadama te it war na dēgēral ñu naw sañ-sañi doomi aadama aki tawfeexam ci anam gu yaa-wat na it rataxal déggóo gi ak yokkute mbootaayu xeet yi ngir jàmm sax.

Waajur yi ñoo jēkk am sañ-sañ ci anam gi ñuy yare seeni doom.

27. Ñaar fukk ak juróom nenteeli matukaay

Nit ku ne am na sañ-sañ bokk ci dépp lu aju ci caaday askan wi, di bânneexu ci lu cu aju ak it bokk ci lépp luy suqali xarala gi ak lu ciy meñ.

Nit ku ne am na sañ-sañ ñu aaral ko lépp lu aju ci lu mudefar ci wállu la xarala, mbind mbaa lu aju ci wállu caala.

28. Ñaar fukk ak juróom natteeli matukaay

Nit ku ne war naa tawaxu dëpp lu aju a askan wi, ak lu aju ci bitim réewam ba sañ-sañ ak tawfeex yi bataaxalu xeet gi ëmb mēn a sax.

29. Ñaar fukk ak juróom nenteeli matukaay

Nit ku ne am na ay wareef yu ko war digganteem ak dēkkandoom yi ngir dēgēral ci anam gu ya darajaam.

Nit ku ne buy doxal ay sañ-sañam aki tawfeexam war naa sallook li ko yoon may, ngir mu mēn a nangu, naw, sañ-sañ nawleem ba lépp lu aju ci yiw, teey ak naataange gu yaa sax ci askan wi.

Sañ-sañ yeek tawfeex yi mēnuñukoo doxal ci anam gu deppoo-wul li mbootaayu xeet yi misër mbaa taxawal.

30. Fanweereeli matukaay

Ci fànn gu mu mēn ti doon ci bataaxal bii, bépp réew, mbootaay mbaa nit, warul doxal mbaa def luy yàq sañ-sañ yeek tawfeex.